

里

許叔平著

乘

第三冊

進步書局校印

許叔平著
里乘
第三冊

PDG

里察卷五

蘭茗館主著

摺差

四川武弁某。賁摺入都。限日行三百里。憊甚。時冬月望後。白晝苦短。薄暮路逢古廟。天色已曛。思入廟暫憩。俟月出再行。下馬入廟。見衰草敗葉。填塞沒徑。並無僧道。佛殿二重。前殿正中供佛。香火斷絕。兩偏廂房。西已傾圮。東廂房中停枯柩。雙扉半掩。殿後小院。檜樹數株。皆粗十圍。爰繫馬樹間。仍到前殿。瞻佛座下。洞然中空。可容一人。四圍嵌木板。頗可避風。乃解佩刀。置佛龕中。展被座下。甫經偃仰。聞馬蹄聲。自遠漸近。倏至廟前。姑就板竅窺之。月裁出山。形狀隱約可辨。前一老者乘馬。修髯垂胸。年約五十許。氣象壯偉。後一少年徒步。相從貌亦魁梧。老者下馬。以鞭授少年。相將入廟。繫馬西楹。老者命鋪褥殿堦居中端坐。少年屏息侍立。意殊惶悚。忽聞老者叱曰。我自弱冠。浪跡江湖。雖藉獵獲為生。然必取之有道。絲毫不敢狂悖。妄肆淫殺。有干天譴。至今三十餘年。幸逃法網。清夜捫心。未嘗不職此之故。不圖汝甫入吾門。便亂吾法。前日之役。若非吾獨殿後。汝曹二十餘人。能一得生者乎。少年鞠躬對曰。唯唯。僉謂幸賴吾師虎威。各叨倖免。老者又冷笑曰。後聞其家有少婦。守節撫孤。汝入其

室既汚其母。又殺其雛。汝心安乎。以此惡毒殘忍。令人髮指。皇天有知。決不汝恕。一時徵倖漏網。終必不免於大辟。有日擒獲。實為吾黨之累。汝試思之。我尚能貸汝乎。少年聞之。倉皇伏地叩首。曰。弟子罪該萬死。求師息怒。願受責罰。老者唾其面曰。今汝尚欲求生乎。聖人之道。不外一恕字。汝家亦有婦孺。罹此慘辱。汝心甘乎。毋多言。拔所佩刀授之。曰。速伏刃以謝寡婦。且慰孺子之魂可也。少年果受刀再拜。自刎而死。老者起立。顧尸長嘆。拾刀拭血。歿而佩之。又自取褥覆馬背。牽馬出門外乘之。鞭馳而去。某聞之。慙慙初頗愕。博以老者所言。居然盜不離道。不禁點首稱歎。月色將中。不敢再寢。將起趕路。突聞東廂噉然有聲。厲如老梟。某大驚。姑再窺之。俄東廂房門啟。一物自內出。長丈許。徧體白毛蒙茸。走至院中。東向望月。目光睽睽。炯若掣電。俯視地上死尸。拊掌狂笑。試蹴以足。復佝身抱尸起。將首級摘擲地下。褫去衣服。始則就腔飲血。繼則咀啖嚼骨。齒牙軋軋。如猫食鼠。久之始盡。又將首級拾起。撩髮作渾脫舞。左盤右旋。樂不可支。隱隱遙聽村雞鳴。其物張皇四顧。擲去首級。復對月掀脣狂笑。拊掌者再。徐徐入東廂房去。某毛髮森豎。賊汗浹衣。悄起躡足。將所賫楮束被中。縛負背上。往後院牽馬出門。跨鞭疾馳。約行五里許。忽憶所佩刀。脫置佛龕。倉猝未及攜帶。廟中死人尸為怪物所食。僅存首級衣服。日後必為疑讖。刀上故鏤已姓名。恐因刀牽連。受累難免。欲

返身搗取。又恐東廂怪物復出。難與抵敵。躊躇再四。意難已鳴。怪物當不足為患。決意策轉馬頭。至廟下馬。輕步趨赴龕佛。取刀疾出。果聞東廂房棺蓋格格作響。駭甚。飛身上馬。絕塵疾馳五十里。東方大明。心始帖然。

里察子曰。老者殆盜而近於道者歟。所言不外天理人情。此可謂盜不盜。非常盜也。已。少年所謂死有餘辜。尸葬怪腹。亦天罰所及也。惟此弁欲圖少憩。意外攪擾。不少交睫。所窺二事。是真聞所未聞。見所未見。返身取刀。不為無識。然出險入險。膽略實屬不弱。我今聞之。毛髮猶為之森豎也。

歐公子

粵東慈雲菴內。供觀音大士。香火極盛。比丘尼繁有徒。綰髻纏足。衣飾與人家閨閣無異。託名清淨法場。其實色界情天。較勾欄為尤甚。少年美男子。無意獨身誤入。必使身登佛國。生還無望也。有歐公子者。甫成童。貌婉曲。適春日踏青。偶過菴外。見倚門兩尼。一年可十七八。一裁及笄。色皆嬌艷。而少者尤幽媚。目盼笑倩。風致天成。童子何知。不覺停趾注目。愛戀綦切。兩尼見公子耽耽。長者笑附少者。不知作何耳語。便向招手。公子大喜。趨就之。長者遽挽其袂。向內偕行。少者緩步相從。既至內室。牀廬陳設珍麗異常。爐焚龍涎百和等香。薰腦襲

髓拉公子並坐榻上。錦衾繡褥。俱極軟膩。命小鬟進茶。手捧獻公子。展問姓名門第。自言妙梅。法號淨影。此間三十六花禪。已行十九。君在此小住。當共相見。公子問少者何名。何處不見淨影。笑曰。渠名妙蓮。法號淨香。齒最稚。向羞見生客。熟則可常相聚。但君寬心住此。此間飲食起居無不可。惟君所欲。恐歷久厮熟。君當樂死不顧生也。正絮語間。忽聞簾聲雜沓。環佩丁當。還從門外笑語喧呼曰。聞十九婢招有嘉客。何秘而獨樂。不使人知耶。淨影謂公子曰。三姊領羣姊妹至矣。俄已入房。生起問訊。三姊妙蘭。淨因。四姊妙蘋。淨塵。七姊妙桂。淨蟾。九姊妙貝。淨果。十二姊妙華。淨鬢。十七姊妙蕊。淨珠。廿四姊妙菊。淨韻。廿五姊妙藻。淨思。卅妹妙桃。淨被。卅一妹妙杏。淨媽。卅三妹妙葵。淨憐。卅四妹妙蕙。淨質。共十二人。淨影俱一一為道名號。並為言公子姓名門第。公子視羣妹異姿同妍。目不暇給。淨因笑問淨影。卿何以款嘉客。客我輩闖席否。淨影笑曰。倉猝主人正慮無以款客。得眾姊妹陪話甚善。乃並列兩几。水陸雜陳。各序齒環公子而坐。流觴拇戰。轟飲酣嬉。漏三下。甫罷席。淨因率眾興辭曰。今日叨陪嘉客。當報知諸姊妹。迭為賓主。以饗館甥。公子解人。當不見却。公子唯唯。淨因又笑曰。吉席頭籌。須十九妹獨占。我輩合當速退。毋令人生憎。臨行。又攜公子手端相良久。笑曰。箇兒郎似好花初苞。恐不經風狂雨暴。梅妹須溫存愛惜之。羣姊妹同胡廬一笑而散。淨影送眾出。命婢剪

燭搜門笑撫公子肩調之曰君日間耽耽注視何為也公子紅暈兩頰笑不能答淨影益憐之爰自緩私小結束又為公子脫衣趣與共寢公子情竇雖開未經人道牀第間惟淨影竇左右之事訖嘆謂公子曰妾命薄墮落空門兒時一念之差誤破清戒輒自悔恨今年甫十八破戒以來三年於茲接君纔得二人緣一誤不敢再誤倘非其人誓不苟合今偶然遇君竟不能自持君自是佳公子前程遠大與妾相守當可無患然此間瑕瑜不一恐一但為眾所劫妾雖欲護持力寡難敵奈何大抵達人貴於應變可行可止權自己操切勿乘興不自珍重致貽後患而怨妾作俑也公子慰之曰卿所言字字珠玉小生敢不敬佩容歸家稟白高堂求卿與共白首毋多慮也淨影嘆曰此固大好事但恐不能耳公子問何以故曰難言也聽雞已鳴遂重作陽臺之夢夢覺日已照窗淨影推公子起曰貪話失眠未免為羣婢所笑可以興矣相將結束盥漱甫畢大姊名妙純號淨絲者已率眾姊妹聯袂而至舉帷入房笑曰昨夜齟齬招同眾姊妹作珠江之游歸已夜漏過四十刻聞梅妹招有嘉客竟至失陪今特邀眾同來謝罪淨影含羞答曰正擬櫛沐往省姊妹不謂玉趾同降於是二姊妙松淨貞五姊妙檀淨婉六姊妙蕉淨書十四姊妙苔淨鈿十五姊妙蒲淨石十六姊妙杉淨碧十八姊妙萱淨忘二十妹妙蘿淨烟廿三妹妙芝淨靈廿六妹妙薜淨英廿七妹妙微淨完廿九妹

妙鵲淨字。卅五妹妙蘅淨佩等。俱各與公子問訊。大姊淨絲凝視公子戲曰。是兒粉搓玉琢。莫怪阿梅玩弄忘曉。又顧謂淨影曰。我等已議送為東道。愚姊忝居長已備小燕。且同眾先往客廳敬候。十九妹須代作主人。即速偕客惠臨。免使久待。淨影諾。淨絲等既去。淨影又堅囑公子曰。妾承謬愛。三生有幸。今大姊招飲。又不敢辭。但恐此後恒飲糾纏。皆居君為奇貨。爭寵獻媚。必蕩君心。妾腴且弱。力難抗眾。不能再侍衾枕。昨夜所言。切須留意。倘高興欲圖兼愛。則性命休矣。不可不慎。切記切記。公子笑曰。卿太過慮。何至若是。淨影嘆曰。但願不至若是。便為幸事。乃攜手同至客廳。則見珠圓繞翠。羣花畢集。八姊妙梅淨樂。十姊妙椒淨馨。十一姊妙蒂淨根。十三姊妙櫻淨含。廿一妹妙桐淨微。廿二妹妙蓉淨裳。廿八妹妙竹淨修。卅二妹妙棠淨海等咸在。淨影一一道其排行名字。公子俱合十為禮。環視眾姊妹。修短穠纖。無不得中合度。惟獨不見淨香。心竊訝之。附耳以叩淨影。答曰。渠自有事。君在此日。久何愁不見。是日廳中共設五席。如梅花式團樂。環列淨絲。肅公子坐客位。自坐主位。餘各按排行環坐。珍羞疊進。異味多莫能名。酒亦甘芳。公子量固豪。羣姊妹皆工歌。故奏淫靡之音。絲竹檀槽。一時並作。公子目娛耳悅。實難自持。羣約輪流。公子雅不欲却。左酬右應。樂而忘死。淨影或為乞免。食謂公子自樂之。干卿甚事。一夜假伉儷。那便如此醜態。令人齒冷。淨影乃

不敢再言。日昃罷席。大姊淨絲。便下逐客令。曰。諸妹且退。眾各會意告辭。淨影無可如何。悄攝公子衣。示之以目。公子含笑點頭。眾等既去。淨絲攜公子至房。陳設較淨影尤精。更漏初下。即趣就寢。蓋三十六花禪中。惟大姊年二十有三。二姊三姊俱二十有一。其餘所謂姊者。皆二十不足。十八有餘。所謂妹者。皆十五六七。齒序長幼。不過計以日月而已。淨絲幼受本師秘傳。內視法師圓寂。後諸妹叩求。吝不肯授齒。雖稍長望之。如十七八歲。公子領略秘趣。視淨影味同嚼蠟。豈復尚憶其所囑。從此與淨絲情倍親昵。淨絲又能迎合其意。日招二三姊妹同牀。迭薦恣其媒狎。不半月。諸姊妹輪接已徧。眾喜淨絲不妒。皆曲意事之。間招淨影。恥其所為。輒婉辭之。惟竊為公子寒心。公子自遇淨絲。日得羣美同樂。絕不復思淨影。以畏其絮聒。竟不敢至室。其偶爾相遇。勉寒暄一二語。即逕而避之。淨影雅窺其意。亦不便過於親近。瞬屆端陽。置酒賀節。天氣初熱。眾姊妹與公子狎習既慣。酒酣益復忘形。各脫却褻衣裸體。僅着詞黎子。各口含酒醕。公子亦含酒遞酬之。強酬淨影。拒不肯受。眾厭淨影矯同。互誚讓之。五姊淨婉笑曰。人各有志。不必相強。十九妹不喜從眾。亦姑聽之。且我輩得識公子。實自十九妹始。不可忘也。二姊淨貞笑曰。五妹之言是也。大姊淨絲笑曰。吾師臨終授我至寶。謂他日如遇可意郎君。遵而行之。一生受用不盡。既遇公子。當與妹等共試之。乃命

侍兒速將衣箱中黃緞袱所裹一冊攜來。俄頃捧至置几上。將袱解開。眾挨肩共視。乃冊一本。宋錦裝。面上粘泥金牋。簽文待詔書元宮演樸兒圖六字。將冊展開。前標藏金牋兩頁。許高陽隸書。三十六宮皆是春七字。入後三十六冊。皆周東邨工筆所畫秘戲圖。窮形盡態。神情活現。每閱一冊。互相贊嘆。淨影略觀二三冊。便獨起倚闌。他視若有所思。眾亦不以為意。淨絲將公子擁坐膝上。手指口授義蘊畢。宣公子見所未見。重以淨絲善於設法。更聞所未聞。實欲按圖一一親試。而後快。淨絲已窺其意。命婢拂拭楊妃榻鋪以龍鬚錦席。淨影獨自告辭。眾亦不留。公子見淨影已去。益無忌憚。與姊妹臨摹粉本一頁。不肯遺漏。卜晝卜夜。猶嫌未足。淨影偵其所為。不忍坐視其死。暇無人時。邀公子於僻處。泣諫曰。君不聽妾言。死期伊邇。妾悔不合招君入室。倘有不虞。妾實為之罪魁。故不忍不諫。諫而聽之。君之幸也。不聽他日九原亦可不怨妾也。君本雛弱書生。欲以一雄敵羣雌。不死何待乎。願熟思之。公子笑曰。卿言是也。敬聞命矣。然未免咒我太甚。何至若是。卿請毋慮。淨影嘆曰。癡兒不足與言也。知不可諫。又恐招眾怨。恨恨而去。公子自至淨絲處。長枕大被。與眾同樂。眾又爭獻房術藥。以助其興。一日正服膺臍臍。淨影適來見之。詫曰。此何物也。君甘之如飴。是非欲速其死而何耶。公子笑曰。卿又來咒我。何至若是。卿請毋慮。會淨影毋恙。招令暫歸。淨影與公子作別。

曰。甘言逆耳。知君不快。請暫與別。他日來當索君於枯魚之肆矣。公子笑曰。卿可謂善頌善
禱。淨影歸後。公子更無拘束。遇眾姊妹。交不擇地。當星月之下。露戰無厭。修屋秋令。商飈驟
吹。頓感寒疾。始則微嗽。畏風。猶力疾強與眾為歡。繼則下體兼滲漏。日漸羸瘦。竟不能鞠躬
効力。羣雌初猶分班伺應。飲食藥餌後。顏敗日劇。一息僅存。扶牀難立。僉謂不能再生。遂閉
置幽室。使一聲蠲守視之。待其自斃。大化滅跡。並戒毋許泄漏消息。從此眾姊妹等。或出門
赴豪貴之招。或藏狎客於室。各尋所樂。公子處絕不復過問。公子少小驕佚。習慣。今既抱病。
又衣食失調。鎮日如坐狴犴。悔不聽淨影言。寧由自作。竊冀一臨存。而足音杳然。縣恨牀蓐。
舉目無親。懊惱常欲自盡。忽一人推門至牀前。低聲呼曰。公子別來無恙。公子方倚枕假寐。啟
目視之。非他。乃淨香也。亟起坐問曰。卿非淨香也耶。曰。是也。曰。卿殺我矣。來何為者。淨香愕
然曰。天乎。冤哉。疇昔相從入菴。計君必有今日。自以腆膺。羞與眾等為伍。故不肯與君相晤
會。次日舅氏生辰。往與為壽。以矜邀偕朝南海。往返四月有餘。頃來菴。聞君已卧病。何為我
殺君也。公子嘆曰。曩日非見卿。決不停視。祇為卿故。一縷癡情。遂牽出如許葛藤。謂非卿殺
我耶。淨香笑曰。此周內之詞也。願十九姊。乃多情之人。何忍使君憔悴至此。公子搖手曰。卿
勿言。吾員若矣。遂備述歷諫之詞。並告之悔。淨香問曰。為今之計。奈何。公子曰。吾思家甚。卿

為我寄語父母可乎。淨香遽掩其口曰：君勿妄語。若他人聞之，則君殆矣。庠姊慮君家修怨，恐人洩漏消息，防戒必嚴。偵知君有此心，反多不利。君第安之。客有緩圖可也。自是服食一切皆淨香料。檢漸有起色。公子甚稱感之。淨香笑曰：妾之與君，正合兵法。所謂人棄我取，倘有日得志，其何以報不穀？公子笑曰：果如卿言。有日微倖得志，當香花供奉，以報大德。淨香嘆曰：從古男子負心者多。果爾，恐不再憶薄命人也。公子指天申誓曰：如忘大德，皇天促滅。淨香急止之曰：妾試君耳。何云及此？客招十九姊來共簪之。公子曰：善。公子忽思魚羹。淨香命市鮮鱗一尾。公子見魚偶有所觸，謂淨香曰：古人魚腹藏書，我亦效其法。寄書家人可乎。淨香叩問何法。曰：我作一書，以油紙裹納魚腹。佯謂此魚不堪食，將出另易一尾。此魚不論何人所得，剖腹見書，必報我家，則小生得出於難矣。淨香點首笑曰：此法甚妙。然須必為妾地。公子曰：我果得出，當使黑白有分，不致玉石俱災也。淨香大喜。乃如法命人返魚於市。另易一尾。先是公子出遊，連日不歸。父母禱神問卜，倚閭泣望，且徧榜通衢，懸賞訪覓。公子固巨族，里黨無不知者。某甲得魚腹中，見公子手書，急持書趨報其父母求賞。父母大喜，如榜給賞。急赴愬有司，率弁役圍菴，搜得公子。將所謂三十六花禪者，一律拘繫。惟淨影以侍母疾在家。幸而漏網。公子與父母相見，悲喜交集，具泣述淨香之德。悖之不祥。父母聞之，亦深德。

淨香請諸有司。攜與俱歸。其餘俱責令配人。將菴改為公所。淨香早失怙恃。使告其舅姑。留為公子蓬室。俟親迎而後成禮。公子調攝半年。始復其初。聘妻甚賢。入門愛淨香溫存可人。又感其袒救公子。略去嫡庶。願締姊妹。及初當夕。果然處子也。初淨影與公子一夜綢繆。居然體孕。後以母疾回家。母愈聞菴已毀。姊妹雲散。不勝駭愕。聞淨香已歸公子。竊深嘆羨。自幸未及與禍。誓依母奉佛懺過。決不他嫁。及分娩儼然男也。守志益堅。淨香固與淨影善。聞之以告公子。公子念其相待情殷。幾至藥石成仇。實為薄倖。又聞一索得男。尤深慶幸。與淨香商之。故使人風示父母。父母望孫正切。即使淨香往請其母。以禮迎歸。淨影嘗戲謂公子曰。妾當日謂君當以樂死。不謂尚有今日。公子笑曰。當日不能從諫如流。幾不能與卿相見。淨影笑曰。何至若是。卿請毋慮。公子笑曰。卿休矣。而今而後。吾知免矣。吾過矣。吾過矣。里察子曰。語云十步之內。必有芳草。三十六花禪中。而有淨香。可謂翹楚矣。如淨影者。一度春風。飄然不再。其拳拳敦勸。至再至三。即達比愛。君何以異。是且預為料患。自悔作俑。為罪之魁。卒以侍母獨歸。未及與禍。不然與眾同譴。雖非罪魁。亦難辭厥罪。惟均矣。何至若是。卿請毋慮。公子固屢言之矣。乃竟不至若是。實出淨影意料之外。觀後日戲作報復語。可謂得意之極。然若不得淨香。雖有魚腹傳書之謀。又將焉用。彼菴中之坐待其斃。火化滅跡者。不

知凡幾。何物公子而獨能幸免耶。不登佛國。得遂生還。是誠微倖於萬一也。少年選事者觀之。可不凜之慎之歟。

虎釣

虎尾其氣腥。以羶。飢輒垂尾江邊。餌魚為食。鰱鰻鯉各種大魚多為所釣。岳州城故濱江口。有虎垂尾餌魚。適有大鼃過。聞其腥羶。遽啣其尾。虎痛甚。急聳身一躍。墮城堞齒間。虎在堞內。鼃在堞外。如負擔然。虎痛尾愈擺。鼃之持之也愈固。天明有人過城下。見而兩得之。以鼃擒虎有功。遂殺虎而昇鼃縱於江。

里藥子曰。吾鄉有濱江而居者。屋旁有柵豭豕。往往為虎所食。鄉人遂不復豭豕。他日得一鼃。暫閉於柵。虎夜過。聞咻咻聲。以為豕也。試探以爪。遽為鼃所啣。竟不能脫。卒為鄉人所殺。噫。嘻。虎為口腹所累。又多厄於鼃。亦奇矣哉。

俞壽霍

道光甲辰秋。吾邑東鄉農人某。鋤地得一蟬。勅勒封口。破之。白氣一道。上冲十餘丈。忽聞空中有人言曰。悶煞人也。閉我二百餘年。不謂再睹天日。某大驚。駭仆地上。空中又言。君請無畏。吾感君見放。必有以報。不敢崇君也。君歸。晚間當夢中相見。吾去矣。言訖。絕不聞聲。某歷

歷在耳。以為白晝遇鬼。駭暈猝不能興。俄妻若子來餉。見某卧地。呼之不答。莫喻其故。相將扶歸。某喃喃嚙語。但稱怪事。叩之又不可了了。意其中惡。俗以清水一碗。置三筋其中。左手扶筋。右手掬水澆筋上。口默呼鬼神名。筋直立。碗中水即知為某神鬼所憑。取茶米一撮。撒碗中。穰之。病立愈。名曰出湯。效驗最速。某妻如法穰之。果少安。思睡。戒人勿擾。夜果夢一古衣冠少年。揖而謂曰。我俞壽霍也。感君破譚得出。特來相謝。某審其繇。曰。予與君同里。前明思宗殉國之次年。乙酉七月。晝寢。見一皂隸來。出鐵索繫予頸。拘至一處。儼如官署。堂上坐一官。氣象尊嚴。怒容可掬。旁一吏唱名。令跪案下。上坐者叱曰。汝家累世受國奉養。奈何勾賊屠毒生靈。罪應炮烙。即見鬼役舁銅柱一具。高約八尺許。置堂西隅。柱中燃炭。烈焰飛騰。上下俱赤。上坐厲聲喝令將予炮烙。左右兩鬼役。青面赤鬚。狀貌猙獰。應聲曰。諾。一撩予髮。一褫予衣。予股腓股栗。心膽俱碎。急大聲哀呼曰。小人並未勾賊。受此酷刑。心實不甘。上坐怒目叱曰。汝猶呼冤也耶。即將一冊擲付予閱。冊上大書。極兇鬼犯一名。余壽鶴。南直隸銅陵縣人。順治二年。夏。左師次九江。該犯勾其部曲。擾劫沿江一帶居民。除淫擄不計外。共殺老幼男女六萬八千四百三十五人。罪應炮烙。六千八百四十次。予閱之急辨曰。小人乃桐城俞壽霍。生平並不識左帥部曲。尚求察宥。上坐顏色頓霽。曰。汝非銅陵余壽鶴耶。曰然。上坐命予起。並

命吏稽子陽壽尚有三十七年。上坐叱責皂隸誤拘。命笞三百。仍令送子還陽。甫逾一日。天熱。屍已腐臭。皂隸懼曰。殆矣。子執其袂問曰。汝將焉置予也。皂隸躊躇久之。曰。我思得一策。較生人為樂。君願之否。子問如何。曰。南山有狐拜月鍊丹。大道垂成。吾竊奪丹付汝吞之。可作鬼仙。並可從心所欲。不較生人更樂耶。子見屍已潰。無可如何。只合首肯。皂隸夜攜子至南山。果見一大赤狐跪而拜月。口含一珠。忽吐忽吸。大如彈丸。寶光耀目。皂隸潛出其後。伺其吐時。遽攘以授子吞之。狐失丹大哭。起與皂隸鬪。皂隸笑曰。始吾畏子。今失丹則畜也。吾不畏子矣。狐無如何。白眼怒視子曰。丹被子吞。此殆天命。得登仙錄。須無忘我。然又須遲我千年。乃得成道。一怒跳躍而去。子吞丹。頃刻即成人體。並可隱形。皂隸囑曰。賀君吞丹。如一意修道。十二年即成地仙。又十二年可晉天仙。最忌犯色戒。而孀婦處女比邱尼三種人尤宜忌之。犯者必干天譴。且露形骸。世亦所不利。均宜嚴戒。君其勉之。子謝受教。自後子乃探名山。濟巨川。陸不車。水不船。下達九幽之地。上昇九重之天。凡十洲三島。宇內所稱名勝者。無不悉恣子之遊觀。不飢不寒。隨遇而安。憑虛御風。居然散仙。惟欲心未斷。見美色不能忘情。初猶謹守皂隸教其所戒三種人。概不敢犯。意勾欄中人。無傷名節。因擇妓之尤者而狎之。色戒既破。心日放而難收。後見良家好婦人。亦漸垂涎而染指焉。子服狐丹。與尋常鬼

怪不同。不惟能具人體。並可幻美男子。陳平潘安。隨意變化。以故良家子。多半樂從。予意益得。偶過浙東溫州府。會城外鬻弄男女。觀者如堵。中一及笄女郎。色獨殊眾。鞠部適演祇廟。大女郎睹其嫵褻之狀。不禁神癡。予竊笑曰。此兒情實開矣。乃幻為美少年。試挑以目。女郎不以為忤。亦遙以目送情。予喜曰。得之矣。女郎為富室某翁愛女。薄暮。復隱形尾之而歸。夜分人靜。女郎下幃。掩戶對燈。若有所思。予料其可犯。復幻美男子。推門褰幃。徑入。女郎驚問。君何人也。螢夜那得來此。予揖之曰。日間幸睹玉容。愛慕不忍捨。特踰牆相從。求卿見憐。女郎沉吟良久。便低聲問。予邦族。說詞以對。女郎意甚欣然。囑勿高聲。予遽闔扉。要與共寢。曲盡綢繆。情均伉儷。年餘漸有竊議者。女郎告予來去。切須慎密。防人覺察。予謝之曰。小生幼受異人秘傳。可以隱形。雖天地神祇。亦不能奈何。我卿請放心。女郎不信。予姑隱形。使覘之。乃大喜。其家察予踪跡不得。或有猜為妖者。因使阿母來伴女寢。伺母睡熟。兩人交如故。一夜母醒。聞而大呼家人。執梃破扉。入索予不得。益信為妖。富翁徧禱東嶽城隍。又延僧道。被除。皆無效。富翁益怒。使人往龍虎山。懇於天師。尋遣法官來治。登壇禮醮。伎倆亦與僧道等。予顧而哂笑之。戲謂女郎曰。技止此耳。越三日。甫交子初。法官具表上申。召請上界星官。神將。予猶不以為意。忽見法官將袖一拂。掌中霹靂有聲。天門驟開。諸神齊降。予大驚。急欲

竄避而六合俱設羅網。無處可遁。法官以戒方拍案喝曰。妖將何往。諸神速為予擒之。諸神果遵法旨。將予擒置罈中。以付法官。勅勒書符封口。笑謂富翁曰。幸不辱命。大功告成矣。予初進罈。懊悶欲死。猶隱隱聞女郎泣而啼曰。何物妖道。殺我郎矣。予聞之。肝腸寸斷。富翁怒甚。將就罈而烹焉。法官止之曰。不可。是無死罪。遣人埋諸故土。幽囚二百年。而後釋焉。可也。因問某今為何世。某具告之。屈指恰二百年。又謂某曰。曩者女郎曾贈金條脫一隻。白金十錠。予無所用。藏某山馬鞍山後。計當無恙。坎地三尺必得之。感君見放。聊以報德。某問今將何往。曰。予深悔前愆。今將蹈跡深山。省過修心。期証大道。庶不負兒隸所教耳。君第識予言。請從此別。拱手徑去。某頓驚寤。病良瘳。追憶夢語。疑信參半。詢諸故老。舊果有俞壽霍其人者。某山故有大石形肖馬鞍山。距某家僅里許。翌辰試坎其地三尺許。果如言得女郎所贈物。里寨子曰。勾賊殃民。大千天怒。炮烙無已。冥法極當。裨史載明末張李二賊。至今在冥司。猶曰。上火牀。觀此益信其言不謬。俞氏子既服狐丹。天仙可望。惜墮色戒。久滯幽囚。然一經再睹。天日便知悔悟。深山韜跡。省過修心。倘堅持弗懈。大道之成。可為操券。

蕭狀元

茶陵蕭殿撰未達時。嘗於除夜夢登天門。入一官第。案置一冊。題書天下士子姓名。首朋第